



“InfinBANK”
Б.Н. Бурханов
2021 й.

**Миллий ва чет эл валюталарида муддатли омонат очиш ва унга хизмат
кўрсатиш учун шартнома тузиш бўйича жисмоний шахсларга
ОММАВИЙ ОФЕРТА**

1. УМУМИЙ ҚОИДАЛАР

1.1. Ўзбекистон Республикаси, Тошкент шаҳри, 100029, Т.Шевченко кўчаси, 1-й манзилида жойлашган Чет эл капитали иштирокидаги “Invest Finance Bank” акциядорлик тижорат банки (кейинги ўринларда “Банк”) ушбу билан мазкур расмий таклифни қабул қилган жисмоний шахслар (кейинги ўринларда “Мижоз”) га қуйида кўрсатиб ўтилган ҳаракатларни амалга ошириш йўли билан миллий ва хорижий валютада муддатли омонат бўйича (кейинги ўринларда “банк ҳисоб рақами”, “ҳисоб рақам” ёки “омонат”) амалиётларни амалга ошириш юзасидан хизматларни таклиф қилади.

1.2. Ушбу оммавий оферта Мижозга миллий ва хорижий валютада муддатли омонат очишида банк омонати шартномаси ҳисобланади.

1.3. Ушбу шартноманинг предмети бўлиб Банк томонидан Мижознинг пул маблағларини муддатли омонатга қабул қилиш, барча турдаги ҳисоб-китоб ва касса хизматларини амалга ошириш, Мижознинг банк ҳисоб рақамига тушаётган пул маблағларини қабул қилиш ва ўтказиш ҳамда Мижознинг тегишли маблағларини ўтказиш ва бериш бўйича топширикларини бажариш ҳисобланади.

1.4. Мижоз томонидан Банк хизматлари ўз вақтида тўланганда ва ушбу шартнома бўйича ўз зиммасига олган барча мажбуриятлари бажарилганда Банк томонидан ушбу шартнома бўйича хизматлар кўрсатилади.

1.5. Омонат муддати тугагандан сўнг шартнома талаб қилиб олингунча омонат шартлари бўйича узайтирилган ҳисобланади. Талаб қилинмаган омонат суммаси, шунингдек омонат бўйича барча ҳисобланган, лекин тўланмаган фоизлар Банкда очилган талаб қилиб олингунча ҳисоб рақамига ўтказилади. Маблағлар талаб қилиб олингунча ҳисоб рақамига ўтказилган пайтдан бошлаб талаб қилиб олингунча омонат бўйича фоизлар Банк Тарифларига мувофиқ ҳисоблаб борилади.

2. ШАРТНОМА ТУЗИШ ТАРТИБИ

2.1. Ушбу муддатли омонат шартномаси мижоз-жисмоний шахслар билан оммавий оферта шартларида тузилади. Жисмоний шахс томонидан мазкур оммавий офертанинг 1-иловасидаги шакл бўйича Банкка ариза берилиши акцепт (ушбу шартномани тузишга розилик) деб ҳисобланади. Банк томонидан акцепт олинган ва омонат суммаси Банкка келиб тушган пайтдан бошлаб ушбу шартнома ёзма шаклда тузилган деб ҳисобланади.

2.2. Банк ҳисоб рақамини очиш Мижознинг аризаси, шунингдек унинг шахсини тасдиқловчи хужжатнинг асл нусхаси асосида амалга оширилади.

2.3. Омонатнинг шартлари тегишли омонат паспортида кўрстатилади (Илова № 1).

3. ФОИЗЛАРНИ ҲИСОБЛАШ ВА ҲИСОБГА ЎТКАЗИШ ШАРТЛАРИ

3.1. Омонат бўйича ҳисобланган фоизлар тегишли омонат шартларига мувофиқ тўланади.

Омонат суммасига фоизлар у Банкка (Мижознинг омонат ҳисобварагига) келиб тушган куннинг эртасидан бошлаб то у Мижозга қайтариладиган ёки бошқа асосларга кўра Мижознинг ҳисобварагидан ҳисобдан чиқариладиган қундан олдинги кунгача ҳисоблаб чиқарилади. Мижознинг ҳисобвараги хатланганилиги оқибатида Банк ушбу ҳисобваракдаги маблағлардан фойдалана олмаган бўлса, ушбу давр учун фоизлар ҳисоблаб чиқарилмайди. Жума куни ҳисоблаб чиқариладиган фоизни ҳисоб-китоб қилишда фоизаларни жума, шанба ва якшанба кунлари учун ҳисоблаб чиқариш учун одатда 3 кун ҳисобга олиниши керак. Агар жорий ой жума ёки шанба куни тугайдиган бўлса, у холда ҳисоблаб чиқариш тегишлича бир ёки икки кун олдин амалга оширилади. Ҳафта охиридаги қолган кун (куnlар) учун кейинги ойнинг биринчи иш кунидан ҳисоблаб чиқарилади. Агар жорий кун шанба куни тугайдиган бўлса, ой учун охирги ҳисоблаб чиқариш жума куни икки кун (жума ва шанба кунлари) учун акс эттирилади. Шундан сўнг кейинги душанба куни ҳисоблаб чиқариш кейинги икки кун – якшанба ва душанба кунлари учун амалга оширилади. Байрам кунларига нисбатан худди шундай жараён қўлланилади.

3.2. Омонатни қисман, шунингдек муддатидан олдин ечиб олиш, омонатни тўлдириш ва бошқалар тегишли омонат шартларига мувофиқ амалга оширилади.

4. МИЖОЗНИНГ ҲУҚУҚ ВА МАЖБУРИЯТЛАРИ

4.1. Мижоз қўйидагиларга ҳақли:

- Банк ҳисоб рақамида турган ўз пул маблағларини мустақил бошқариш, ўз ҳисоб рақамига нақд ва нақд пулсиз шаклда пул маблағлари киритиш;
- агар Ўзбекистон Республикасининг амалдаги қонунларида бошқача тартиб назарда тутилган бўлмаса, ушбу шартнома ва омонат шартлари бўйича омонат маблагини тўлдириш;
- омонат муддати тугагач, омонатни ва у бўйича фоизларни талаб қилиш;
- Банкдан пул-ҳисоб-китоб хужжатларини тузиш ва банк амалиётларини юритиш учун зарур бўлган маълумотларни олиш;
- нақд пулсиз ҳисоб-китобларини расмийлаштириш тартиби тўгрисида маълумот олиш;
- ҳисоб рақамдаги маблағларни шахсан ҳамда ўз вакили орқали (ишончнома асосида) тасарруф этиш, агар Ўзбекистон Республикасининг амалдаги қонунлари билан бошқача тартиб назарда тутилган бўлмаса;
- Банкдан ушбу шартнома шартларига риоя қилишни талаб қилиш;
- ўзи олган кредит (қарз) бўйича гаровда турган ўз ҳисоб рақамидаги пул маблағларини кредит (қарз) ни тўлашга йўналтириш;
- ушбу шартномани Ўзбекистон Республикаси қонун хужжатларида белгиланган тартибда бекор қилиш;
- ариза асосида СМС-хабардор қилиш хизматидан воз кечиш;
- агар Банкда янги омонат дафтарчалари мавжуд бўлиб, дафтарча саҳифалари тўлиқ тўлдирилган ёки у яроқсиз ҳолга келган ёки йўқолган бўлса, Банк Тарифларига мувофиқ (агар бу Банк Тарифлари билан назарда тутилган бўлса) воситачилик ҳақини тўлаб, янги омонат дафтарчасини олиш.

4.2. Мижоз қўйидагиларни ўз зиммасига олади:

- Банкда белгиланган иш вақтига, тўлов хужжатларини расмийлаштириш ва тақдим этиш тартибига, амалдаги қонун хужжатлари талбларига, шунингдек, Ўзбекистон Республикаси Марказий банкининг меъёрий хужжатларига риоя қилиш;
- Ўзбекистон Республикасининг амалдаги қонунларига мувофиқ банк ҳисоб рақами бўйича ҳисоб-китобларни амалга ошириш;
- ўз ҳисоб рақами ҳолати тўгрисида маълумот олаётганда, ўтказилган амалиётларнинг ҳисоб-китоб хужжатларига мувофиқлигини текшириш. Ўтказилган амалиётларда оғишлар, ҳисоб-китоб хужжатларига мувофиқлигини текшириш. Ўтказилган амалиётларда оғишлар,

бузилишлар ёки шубҳалар аниқланган тақдирда, бундай маълумотлар олинган пайтдан бошлаб 2 иш кунидан кечиктирмай бу ҳақда Банкни ёзма равища хабардор қилиш;

- хизматлар кўрсатилган кун амал қилган ҳисоб рақамга хизмат кўрсатиш учун Банк томонидан белгиланган тарифларга мувофиқ банк хизматлари учун ўз вақтида ҳақ тўлаш;
- Банкка тақдим этилган ҳисоб-китоб ва бошқа ҳужжатларда кўрсатилган маълумотларнинг нотўғрилиги учун мустақил равища тўлиқ жавобгар бўлиши;
- шахсини тасдиқловчи ҳужжатларига киритилган ўзгартишлар, ўзгарган яшаш жойи ва боғланиш телефон рақамлари тўғрисида дарҳол шу куннинг ўзидаёқ Банкни хабардор қилиши, шунингдек, шахсни тасдиқловчи ҳужжатларнинг нусхаларини тақдим этиши;
- ҳисоб рақам бўйича ҳар қандай амалиётларни амалга оширища шахсни тасдиқловчи ҳужжат (мижоз вакили учун эса шунингдек белгиланган тартибида расмийлаштирилган ишончнома) ни тақдим этиши;
- ҳисоб рақам ёпилган куни омонат дафтарчасини Банкка қайтариш (дафтарча йўқотиб кўйилган ҳолатлар бундан мустасно).

4.3. Мижоз Ўзбекистон Республикасининг амалдаги қонунларига мувофиқ бошқа ҳуқук ва мажбуриятларга ҳам эга бўлиши мумкин.

5. БАНКНИНГ ҲУҚУҚ ВА МАЖБУРИЯТЛАРИ

5.1. Банк куйидагиларга ҳақли:

- ҳисоб рақамга нисбатан талаб кўйилганда пул маблағларининг мавжудлигини ва Мижознинг ушбу маблағларни ҳисоб рақамдаги маблағ доирасида эркин тасарруф этиш ҳуқуқини кафолатлаган ҳолда Мижознинг банк ҳисоб рақамидаги пул маблағларидан молиявий ресурслар манбаи сифатида фойдаланиш;
- омонат муддати тугагандан сўнг омонат суммасини ва унга ҳисобланган фоизларни талаб қилиб олингунча омонатга ўтказиш;
- Банк тарифларига мувофиқ Банкка тўланиши лозим бўлган воситачилик ҳақини Мижознинг ҳисоб рақамидан акцептсиз ечиб олиш;
- ҳисоб-ракамга хизмат кўрсатиш учун тарифларни белгилаш;
- Мижоз томонидан амалдаги қонун ҳужжатларини, жиной фаолиятдан олинган даромадларни легаллаштиришга ва терроризмни молиялаштиришга ҳамда оммавий қирғин қуролларини тарқатишни молиялаштиришга қарши курашиб тўғрисидаги қонун ҳужжатларини бузганлик ҳолатлари мавжуд бўлганда, шунингдек ҳисоб-китоб ҳужжатларини расмийлаштириш тартиби ва уларни Банкка тақдим этиш муддатлари бузилганда Мижознинг банк ҳисоб рақами бўйича амалиётларни тўхтатиб туриш ёки уларни амалга оширишни рад этиш;
- Ўзбекистон Республикаси қонун ҳужжатлари, шунингдек, Ўзбекистон Республикаси Марказий банкининг меъёрий ҳужжатлари билан Банк зиммасига юклатилган мажбуриятларни бажаришга қаратилган бошқа ҳаракатларни амалга ошириш;
- омонатдаги маблағлар қолдигининг омонат дафтаидаги ёзувларга мувофиқлигини текшириш учун Мижознинг Банкка келиш зарурати тўғрисида Мижозни ёзма ёки телефон орқали хабардор қилиш.
- қонун ҳужжатларида белгиланган тартибида ушбу Шартномани бекор қилиш талабини кўйиши.

5.2. Банк қуйидагиларни ўз зиммасига олади:

- ушбу шартномада назарда тутилган тартибида ва шартларда Мижознинг банк ҳисоб рақамига тушаётган пул маблағларини қабул қилиш ва ҳисобдан чиқариш, Мижознинг ҳисоб рақамидан тегишли маблағларни ўтказиш ва ечиб олиш бўйича топшириқларини бажариш, омонатга доир амалиётлар бўйича бошқа ҳаракатларни амалга ошириш;
- Мижознинг ҳисоб рақамига пул маблағларини ўтказиш ёки тегишли тўлов ҳужжати Банк томонидан қабул қилинган куннинг ўзида унинг ҳисоб рақамидан пул маблағларини чиқариш, агар у Банкнинг амалиёт ўтказиш кунида келиб тушган бўлса. Агар тўлов ҳужжати амалиёт куни

тугаганидан кейин келиб тушган бўлса, Банк кейинги иш кунидан кечиктирмай тўловни амалга ошириши шарт;

- Мижознинг ҳисоб рақами бўйича амалиётларни сир сақлаш. Мижознинг розилигисиз ҳисоб рақам бўйича амалиётлар тўғрисидаги маълумотлар фақат Ўзбекистон Республикасининг амалдаги қонунларида назарда тутилган ҳолларда учинчи шахсларга тақдим этилади;
- Мижоз тарифлар билан мустакил равишда танишиши учун Банкнинг www.infinbank.com расмий сайтига Банк тарифларини жойлаштириши;
- нақд пул қўйиш учун Мижозни ариза бланкалари билан таъминлаш;
- Мижознинг талабига биноан ҳисоб ракамдан кўчирмалар тақдим этиш.

5.3. Банк Ўзбекистон Республикасининг амалдаги қонун хужжатларига мувофиқ бошқа хукуқ ва мажбуриятларга ҳам эга бўлиши мумкин.

6. ТОМОНЛАРНИНГ ЖАВОБГАРЛИГИ

6.1. Мижоз ўзи томонидан Банкка тақдим этилган пул-ҳисоб-китоб ёки бошқа хужжатлардаги маълумотларнинг нотўғрилиги ёки сохталиги учун жавобгар бўлади ва Банкка бундай маълумотларни тақдим этиш натижасида етказилган зарарни қоплаши шарт.

6.2. Мижоз телефон рақами ўзгарганлиги ҳақида Банкни ўз вақтида хабардор қилмаган тақдирда Банк Мижознинг мобил телефонига омонат тўғрисида СМС-маълумот жўнатганда банк сирларининг ошкор этилиши учун, шунингдек, унга омонат бўйича хабарларни ўз вақтида юбормаганлик учун жавобгар бўлмайди.

6.3. Мазкур шартномада назарда тутилмаган ҳолларда томонлар (Банк ва Мижоз) ушбу шартнома бўйича ўз зиммаларига олган мажбуриятларни бузганларни учун Ўзбекистон Республикасининг амалдаги қонунларига мувофиқ жавобгар бўладилар.

7. ФОРС – МАЖОР

7.1. Томонлар ушбу шартнома бўйича мажбуриятларни бажармаганлик ёки лозим даражада бажармаганлик учун жавобгарликдан озод қилинадилар, агар ушбу шартнома тузилгандан кейин томонлар олдиндан кўра олмаган ва оқилона чоралар билан олдини ололмаган фавқулодда ҳолатлар оқибатида юзага келган енгиг бўлмас куч натижасида бўлса.

7.2. Енгиг бўлмас куч ҳолатлари юзага келган тақдирда, ушбу шартнома бўйича мажбуриятларни бажариш муддатлари бундай ҳолатлар ва уларнинг оқибатлари амал қиласиган вақтга мутаносиб равишда кечиктирилади.

8. ШАРТНОМАНИНГ АМАЛ ҚИЛИШ МУДДАТИ

8.1. Ушбу шартнома Банк томонидан Мижоз акцепти олинган пайтдан ва омонат суммаси Банкка келиб тушган кундан бошлаб ёзма шаклда тузилган деб ҳисобланади ва томонлардан бири уни бекор қилмагунча амал қиласи.

8.2. Ушбу шартнома Мижознинг аризасига биноан исталган вақтда бекор қилиниши мумкин.

8.3. Банкнинг талабига биноан ушбу шартнома Ўзбекистон Республикаси қонун хужжатларida назарда тутилган ҳолларда бекор қилиниши мумкин.

8.4. Муддатли омонат шартномасини бекор қилиши Мижознинг ҳисоб рақамини ёпиш учун асос ҳисобланади.

9. ШАРТНОМАНИНГ БОШҚА ШАРТЛАРИ

9.1. Шахсий маълумотлар тўғрисидаги қонунчилик талабларига мувофиқ, Мижоз Банкка ўз фаолиятини юритиши, Банк томонидан мазкур шартнома шартларини бажариш ҳамда Ўзбекистон Республикаси қонунчилигига зид бўлмаган бошқа мақсадларда Банк томонидан Мижознинг ҳар қандай шахсий маълумотларига ишлов бериш ва улардан фойдаланишга муддатсиз розилигини тақдим этади.

9.2. Ушбу билан Мижоз барча алоқа воситалари: почта тарқатмаси, СМС-тарқатма, овозли тарқатма, электрон хатлар тарқатмаси ва ҳ.к.дан фойдаланган ҳолда, аммо улар билан чекланмасдан бевосита алоқаларни амалга опириш йўли билан Банк хизматларини тарғиб қилиши билан боғлиқ реклама материалларини Банкдан қабул қилишга ўз розилигини билдиради.

9.3. Омонат муддати тугаганидан кейин талаб қилиб олинмаган омонатга пул маблағлар ўтказилгандан сўнг, Мижознинг аризасига асосан (ушбу офертага 2-илова):

- Агар бир йил давомида ҳисобваракда ҳеч қандай операциялар амалга оширилмаса ва ҳисобда қолдиқ бўлмаса, Банк шартномани бекор қиласи ва Мижознинг ҳисобварагини ёпди;
- Агар бир йил давомида ҳисобварак бўйича операциялар амалга оширилмаган бўлса ва ҳисобварак бўйича қолдиқ мавжуд бўлса, ҳисобваракдаги қолдиқ Банк томонидан ҳаракатсиз ҳисоб рақамига ўтказилади, шундан сўнг ушбу шартнома бекор қилинади ва Мижознинг ҳисобвараги ёпилади.

9.4. Агар Мижоз банк ҳисобварагидаги қолдиқ ҳаракатсиз ҳисобваракка ўтказилганидан кейин 10 йил давомида ушбу қодикни талаб қиласа, ҳаракатсиз ҳисобваракдаги қолдиқ “29840 – Молия вазирлигига ўтказиладиган талаб қилиб олинмаган депозитлар” ҳисобварагига ўтказилади.

9.5. Агар техник жиҳатдан имкон бўлса, омонат (омонат очилаётган филиалда очилган барча депозитлар) очища омонат қолдиги, кирим ва чиқим амалиётлари тўғрисида ва бошқа зарур маълумотларни Мижознинг мобил телефонига юбориш учун СМС-хабарнома хизмати уланади.

9.6. Омонат бўйича амалиётлар тўхтатиб қўйилган ҳолларда, Банк амалиётлар тўхтатилган кундан бошлаб кейинги иш кунидан кечиктирмай Мижозга унинг ҳисоб рақамига хизмат кўрсатиб тўхтатиб қўйилганлиги ва унинг сабаблари тўғрисида маълумот (хабар) юборади.

9.7. Кредитлар, микроқарзлар ва лизинг бўйича қарзларни тўлаш учун омонатдан пул маблағлари Мижознинг топширифисиз ечиб олинган тақдирда, Банк пул маблағлари ҳисобдан чиқарилган кундан бошлаб кейинги иш кунидан кечиктирмай Мижозга почта орқали ечиб олинган сумма ва бунинг сабаблари, шунингдек у кимнинг фойдасига амалга оширилганлиги хақида хабарнома юборади.

9.8. Ушбу Шартноманинг 9.6 ва 9.7. бандларида назарда тутилган маълумотлар (хабарномалар) Мижозга шахсан, электрон алоқа ва бошқа алоқа каналлари орқали ҳам етказилиши мумкин. Мижоз маълумотни (хабарномани) етказиб бериш усулини Банкка шахсан келиб ёки поча орқали ёзма ариза бериш йўли билан ўзgartiriшга ҳақли. Шу билан бирга Мижоздан қабул қилинган ариза Банк томонидан унинг банк ҳисоб рақамига доир йигма жилдда ёки омонат ҳисоб рақамлари бўйича алоҳида картотекада сакланади. Маълумотномани (хабарномани) Мижозга етказиб бериш усулини ўзгариши муносабати билан ушбу шартномага ўзgartiriшлар киритиш талаб этилмайди.

9.9. Банкнинг банк операцияларини амалга ошириш ҳукуқига лицензияси Ўзбекистон Республикаси Марказий банки томонидан чақириб олинига тақдирда Мижознинг Банқдаги омонати бўйича ҳақ тўлашни кафолатлаш Фуқароларнинг банклардаги омонатларини кафолатлаш фонди томонидан амалга оширилади. Фонд томонидан Мижознинг Банқдаги омонати бўйича ҳақ тўлашнинг кафолатланиши Банк қайта ташкил этилиши муносабати билан лицензия чақириб олинган ҳолларга татбиқ этилмайди.

9.10. Ушбу Шартномадан келиб чиқадиган барча низоларни томонлар икки томонлама музокаралар йўли билан ҳал қиласида. Томонлар келишувга эришмаган келишмовчиликлар банк жойлашган жой бўйича судда ҳал қилинади.

9.11. Ушбу Таклифни қабул қилиш орқали Мижоз Шартноманинг барча шартларини сўзсиз қабул қилинлигини тасдиқлайди ва уни бажариш мажбуриятини олади.

10. БАНК РЕКВИЗИТЛАРИ

АТБ “InfinBank”

СТИР: 206942764, МФО: 01041, ОКЭД: 64190

манзил: 100029, Тошкент ш., Т. Шевченко, 1

тел.: (71) 202-50-60

факс: (71) 140-50-70

Жисмоний шахсларга миллий ва хорижий валютада муддатли омонат ҳисоб рақамини очиш ва унга хизмат кўрсатиш учун шартнома тузиш тўғрисидаги Оммавий офертага 2-илова.

**Ҳисоб рақам очиш учун
АРИЗА**

	дан
--	-----

Ҳисоб рақам очишингизни сўрайман:

Ҳисоб рақам тури:

- талаб қилиб олгунча депозити;
- муддатли депозит;
- омонат депозити;
- бошқа _____;

Ҳисоб рақам валютаси:

- Сўм;
- АҚШ доллари;
- Евро;
- бошқа _____;

Ўз имзоим намунасини бераман _____

Омонат муддати тугагандан сўнг, талаб қилиб олингунча ҳисоб рақамига пул маблағлари ўтказилгандан сўнг:

- Агар бир йил давомида ҳисобварагим бўйича амалиётлар амалга оширилмаса ва ҳисобварагимда қолдиқ бўлмаса, шартномани бекор қилишингизни ва ҳисобварагимни ёпишингизни;
- Агар бир йил давомида ҳисобварагим бўйича амалиётлар амалга оширилмаса ва ҳисобварагимда қолдиқ мавжуд бўлса, ҳисобварагимдаги қолдиқни ҳаракатсиз ҳисоб рақамга ўтказишингизни, шундан сўнг шартномани бекор қилишингизни ва ҳисобварагимни ёпишингизни сўрайман.

Расмий таклиф шартлари ва ҳисоб рақамга хизмат кўрсатиш тарифлари билан танишдим ва розиман.

**Ҳисоб рақам Этасининг
имзоси**

	Сана	_____ йил
--	------	-----------

БАНКНИНГ ИШГА ОИД ҚАЙДНОМАЛАРИ

Ишга оид ҳаракат / қарор / қайдлар	Ходимнинг Ф.И.Ш.	Имзоси
Aризани қабул қилди	_____	

сонли ҳисоб рақам	
----------------------	--

Банк муассасаси коди (МФО):	
--------------------------------	--